

# تورک و یوردی

تورک ادبیاتینک ناسرائفاری ایلیم مجمرعه در

جلد : 2 — 22

آشهرین ثانی 1928  
اون یدنجی سنه

صافی : 11 — 205

## مُصاحَبَه

### وطن درسخانه لری

کوردکلری اذانک، تحمیل ایتدکلری کلفتک دهشی  
بوکون بیله زائل اولمش دکدر .. فقط بوکا رغماً  
خلق بورالردن یقیشه نلره بر خیرانلق دویقمده، ایچنه  
قاپاندکلری قسوت. آور جیره لرك معماسنه بر دورلو  
واقف اولامیه رق اورالره بر قدسیت عطف ایتکده  
ایدی .

زمان مدرسه نك سلطه سنی یاواش یاواش  
نه زهرکن، مکتبلر دوغدی. جهالتدن بونالمش اولان  
خلق بورالره چوجوقلری سوق وتشویق ایتدیلر ،  
فقط نه چاره که بوراده ده مدرسه دن انتقال ایتمش  
مغلق ، گرفت بر اصول واردی . تربیه ، اخلاق  
قاعده لرینک ، ذهنیت فرقلرینک مدرسه لرله غیرقابل  
قیاس اولماسنه رغماً خلق وکویلی مکتبدن اوزاق  
قالدی . چونکه ، عرب حرفلری بوراده ده  
اوکره نك سسنه لره متوقف بر نردی .. مکتبده  
اوقومق ثروت وزمان مسئله سی اولمشدی .

شمدی وطن بر مکتب اولوبور . عزیز باش  
وکیلز ییلاق نطقلرنده ملت مکتبلرینه دائر سوز  
سویلرلرکن : «مکتب ومعلم، خلقک وکویلینک آياغنه،  
ئولرک آشیکنه قادار کیده جک ، خلق ایشندن  
کوجندن کری قالمایه جق.» بویوریورلردی ..

بوحرکتی کورمک ، منورلرک ، معلملرک خلقه  
دوغرو بر عرفان عشقیله بورومه لرینه شاهد اولق  
مسمود اولق ایچین کافی بر وارلقدر .

برسوقاق باشنده یارالی بر وطنداشک باقسز  
قالمش اولماسی نه قادار اُلمانک ، تملمسوز برحال ایسه ،

اوکرده صاییلی بر قاچ کون داها وار .. بو  
برقاچ کوندن صوکره ماضینک سینه سنه عظیم بر  
دردک، قورقوب بر بلانک جسدی داها کوموله جک ..  
تورک ملتک فیضنه ، عرفانه انکل اولان عرب  
حرفلرینک ذهن ونظرلرمندن سیلنمه سی هیچ شبهه .  
سزکه انقلابک ممتاز ومستثنا بر ظفریدر .. هیچ  
کیمسه فوق العاده برایش یاپیلدیغنه ، علی العاده بر  
دکیشمه عملیه سنه کیریشدی کمزه ذاهب اولمالیدر .  
یاپیلان شی جهان مواجهه سنده کیریشلمش برامتحاندنر.  
بوامتحان عصرلردن بری انواع جهالتک زبونی اولان  
تورک ملتتی معاصر ملتک قدیمه سنه ایصال ایده جک  
بر تشبدرکه ، ملتیزک مدنیه اولان اشتیاقی ،  
منورلرینک مدنی حیاته خلقمزی سوق خصوصند.  
کوستره بیله جکی قابلیت بوايشده تظاهر ایده جک ..  
بزنه ذکی، چالیشقان اولان ملتیزک اشتیاقندن،  
نه ده منورلرینک غیرت وخواهشندن شبهه ایدیورز.  
انقلابیزک هر صفحه سنه عائد خیرک کاشفی  
وپیشواسی اولارق یارادلش بر انسانک بوايشده  
قبول ایتدیکی وظیفه ، کوستردیکی تواضع ؛ وطن  
درسخانه سنک شمول واهمیتنه نظر دقتمزی جلبه  
کافیدر .

مدرسه ومدرس عصرلرجه تورک ملتک باشنه  
دینی حیللرله مجهز کیمسه لری یتیشدیردی . تورک  
ملت عرفانک بو محدود کیمسه لر طرفندن انحصارینه  
پک زوالی بر شکلده بویون اُکدی ، مدرسه  
یتیشدیرمه لرینک یوزلرجه سنه خلقه وکویلیه روا

جاهل ، انسانلک ایلک شرطی اولان اوقومادن محروم بیراقیلش بر وطنداشک حالی ده داها آز آلی ، فجیع دکلدر . مستریغ بر وطنداشی کورمک بزه بر دفعه حظ ویریرسه ، جهالتدن قورتولش بر وطنداش بیک دفعه حظ ویریر .  
وجدانلری می عذاب و آشکنجه دن قورتارمق ایسته یورسه ق وطن درسخانه سنه معلم اولقده تردد ایتمه لی یز .

اوقوما ، یازما بیلمه ین انسانک یوزینه حیرتله باقاجمیز دورلرک یاقلاشدیغنی آرتق حس ایدیوروز . اوقوبوب یازمایه سنه لرجه وقف نفس ایتمیکی حالده کونلک حسابی طوتمقده عجز کوستره نلری اونوتا جغمز زمان اوزاق دکل ..

عرفاندن ، عصرک ترقی و تکاملندن نصیبی ، فیضی آلمش اولان کامل ملتلر اوقوما ، یازما مسئله سنی چوقدن حل ایتملر ، بوفضلی قایامت لردر . مدنی عالم هر کون بکی بر دور آچبور ، هر کون بکی بر سره واقف اولویور . فنک ، علمک وصولنه احتمال ویریله ین هدف یوق کبیدر .

عزیز اوجاقلیلر بو خصوصده مهم وظیفه لر ترتب ایدیور . حرف انقلابنک ایلک کونندن اعتباراً وظیفه سنک اهمیتنی تام مناسیله ادراک ایدمک چوق شعورنی برشکلده چالیشمایا باشلایان اوجاقلیلر پروگراملری نکلک مهم فصلی اوزرنده بولونویورلر . انقلابنک شائماز ، وجدلی وفداکار یولچیلری اولان اوجاقلیلرک وطن مکتبی ایچنده کوستره جکلری غیرت جهالتک علینه متوجه الک مدهش بر حله اولاجقدیر . اساساً اوجاقلر جهلک و جهالتدن دوغاجق تهلککلرک قارشوسنده اخذ موقع ایتمش بولونویورلر . جهالتی منلوب ایتمک ، جهالتدن دوغاجق ملحوظ تهلککلری تماماً بر طرف ایتمک دیمکدر .  
بو خصوصده بره بیک ، بیکه بر میلیون فاتحی اشتیاق و ایمانیله حرکت ایدرسک ، وطن درسخانه - نده ، ملت مکتبلرنده بومهم دعوا چوق چابوق حل اولونور .  
انسان بو حقیقتک آرقا ننده نه بویوک رؤیالر کوروور ، نه قادر امل پروور اولویور .

فیریه مهول